

Na osnovu člana 63. stav (1) tačka d) Zakona o visokom obrazovanju (prečišćeni tekst) („Službene novine Tuzlanskog kantona“ br. 21/21, 22/21,5/22,11/22 i 16/22) i člana 52. stav (1) tačka b) Statuta Univerziteta u Tuzli (prečišćeni tekst) broj: 03-5695-1-2/23 od 18.10.2023. godine, Senat Univerziteta u Tuzli na sjednici održanoj 07.02.2024.godine, donio je

**PRAVILNIK**  
**o izmjenama i dopunama Pravilnika o trećem ciklusu – doktorskom studiju**  
**na Univerzitetu u Tuzli**  
**(Četvrti prečišćeni tekst)**

**Član 1.**

U Pravilniku o trećem ciklusu – doktorskom studiju na Univerzitetu u Tuzli (Četvrti prečišćeni tekst) broj: 03-1925-1-3/22 od 06.04.2022. godine i broj: 03-1925-1-16.1/22 od 06.04.2022. godine u članu 27. iza stava (1) dodaje se novi stav (2) koji glasi:

„(2) U slučaju multidisciplinarnosti teme doktorske disertacije vijeće studija može imenovati članove komisije iz drugih užih naučnih oblasti doktorske disertacije koji će razmatrati prihvatljivost prijedloga teme i odrediti nastavnika (supervizora) koji je potencijalni mentor, a koji će usmjeravati studenta kod pripreme projekta doktorske disertacije.“

U istom članu dosadašnji stav (2) postaje stav (3) te se mijenja i glasi:

„(3) Projekat se brani pred komisijom iz stava (1) ovog člana, a u slučaju multidisciplinarnosti teme pred komisijom iz stava (2) ovog člana. Odbrana projekta je javna.“

Dosadašnji stavovi (3) i (4) postaju stavovi (4) i (5).

**Član 2.**

U članu 31. stav (3) iza riječi „od kojih je većina iz“ dodaju se riječi „naučnih/umjetničkih“.

**Član 3.**

U članu 32. stav (1) iza riječi „te osoba u zvanju profesor emeritus iz“ dodaju se riječi „uže/užih naučnih/umjetničkih“.

U istom članu iza stava (2) dodaje se novi stav (3) koji glasi:

„(3) U slučaju multidisciplinarnosti teme doktorske disertacije, doktorantu se može odrediti mentor iz užih naučnih oblasti doktorske disertacije. Mentor može biti iz reda nastavnika koji ispunjavaju uslove iz stavova (1) i (2) ovog člana.“

Dosadašnji stavovi (3), (4), (5) i (6) postaju stavovi (4), (5), (6) i (7).

U istom članu iza stava (7) dodaje se novi stav (8) koji glasi:

(8) Izuzetno, ako postoje opravdani razlozi, student može NNV/UNV Organizatora studija podnijeti Zahtjev za promjenu mentora, uz koji se obavezno prilaže i Saglasnost novog

potencijalog mentora za prihvatanje mentorstva. Odluku o promjeni mentora donosi NNV/UNV Organizatora studija uz prethodnu saglasnost Senata Univerziteta.

#### **Član 4.**

Iza člana 33. dodaje se član 33a. koji glasi:

#### **Član 33a.**

(1) Izuzetno, ako postoje opravdani razlozi, student može uz saglasnost mentora, odustati od teme doktorske disertacije, sve do trenutka podnošenja zahtjeva za ocjenu doktorske disertacije.

(2) U slučaju iz stava (1) ovog člana, student je dužan dostaviti Izjavu o odustajanju od teme doktorske disertacije NNV/UNV Organizatora studija.

(3) NNV/UNV Organizatora studija, u slučaju prihvatanja Izjave o odustajanju od teme doktorske disertacije, utvrđuje prijedlog za poništenje Odluke o imenovanju Komisije za ocjenu podobnosti teme doktorske disertacije, Odluke o usvajanju izvještaja o podobnosti teme doktorske disertacije i kandidata, te Odluke o davanju prethodne saglasnosti za imenovanje mentora.

(4) Na osnovu prijedloga NNV/UNV Organizatora studija, Senat posebnom odlukom poništava odluke iz stava (3) ovog člana. Nakon poništenja odluka Senata, NNV/UNV Organizatora studija poništava Odluku o imenovanju mentora, a Vijeće za doktorski studij poništava odluke koje je donijelo u postupku prijave, ocjene i odbrane projekta doktorske disertacije.

(5) U slučaju iz stava (4) ovog člana, student je dužan ponovno započeti postupak prijave, ocjene i odbrane novog projekta doktorske disertacije i postupak prijave nove teme doktorske disertacije, na način propisan odredbama ovog Pravilnika, izuzev u rokovima propisanim članom 26. stav (1) i članom 27. stav (1) Pravilnika.

(6) Pravo na odustajanje od teme doktorske disertacije može se koristiti samo jednom u toku trećeg ciklusa studija.

#### **Član 5.**

Ovaj Pravilnik stupa na snagu danom donošenja.

UNIVERZITET U TUZLI  
SENAT

Broj: 03-575-1-5/24

Tuzla, 07.02.2024. godine

**PREDSJEDAVAJUĆI SENATA**  
**po ovlaštenju**

**Dr. sci. Amir Karić, red. prof.**